

Morning Dogri (NSD) National News Bulletin 08-12-2024

आकाशवाणी

- 1- प्रधानमंत्री नरेन्द्र मोदी होरें देशवासिएं अग्वे आह्वान कीता ऐ जे ओ 2047 तगर विकसित भारत बनाने दे लक्ष्य गी हासल करने दी ताकत बनन।
2. केन्द्री मंत्री सर्वानंद सोनोवाल होरें आखेआ ऐ जे 2047 तगर भारत दुनिया दे सब्बने शा मती समुंद्री बंदरगाह गतिविधिऐं आले पैहले 10 मुल्खें च शामिल होई जाग।
3. विदेश मंत्री डॉ. एस.जयशंकर होरें आखेआ ऐ जे अमरीकी डॉलर गी टक्कर देने दे मकसद कन्नै नमीं ब्रिक्स करंसी शुरू करने दा कोई प्रस्ताह नेई ऐ।
4. सीरिया दे लम्मी अवधि आले टकराव च नाटकीय घटनाक्रम बधदे होई विद्रोही बलें दमिशक गी घेरने लेई अभियान शुरू कीता ऐ, जेह्दे कन्नै 2018 दे बाद राजधानी लेई पैहला मता खतरा ऐ।
- 5- ओमान दे मस्कट च चला'रदे जूनियर एशिया कप महिला हॉकी प्रतियोगिता च अज्ज भारत दा मकाबला बंगलादेश कन्ने होग।

<><><><><><><>

PM-BAPS

प्रधानमंत्री नरेन्द्र मोदी होरें देशवासिएं गी 2047 तगर विकसित भारत बनाने दा लक्ष्य हासल करने दे अभियान दी ऊर्जा ते ताकत बनने दा आह्वान कीता ऐ। कल संजा अहमदाबाद च बोचा सणवासी अक्षर पुरुषोत्तम स्वामी नारायण संस्था दे स्वयंसेविएं दी निस्वार्थ सेवा दे 50 ब'रे पूरे होने पर लोआए गेदे स्वर्ण महोत्सव गी वर्चुअल ढंगै नै संबोधत करदे होई मोदी होरें आखेआ जे देशवासिएं स्वच्छ भारत मिशन, जैपिक कृषि मिशन, पर्यावरण लेई जागरूकता, बच्चिएं दी पढ़ाई ते जनजातीयें दी भलाई बेहतरी जनेइएं राष्ट्र निर्माण गतिविधिऐं च बधी चढ़ियै हिस्सा लै करदे न। प्रधानमंत्री होरें आखेआ जे संस्था दे सब्बै स्वयंसेवी हर ब'रे इक कल्याण कारी संकल्प लैने जियां बिजन रसैनी हैले दे राई-बाई करना, नशे खलाफ संघर्ष, नदिऐं गी गंदगी कोला बचाइयै, उंदे च नमें सिरिया जान भरना,

अनेकता च एकता ते इस चाल्ली दियां होर बी केई गतिविधियां होई सकदियां न। उनें आखेआ जे “एक पेड़ मां के नाम” पूरी दुनिया व मशहूर होआ ऐ ते लोकें गी कुदरत दे अनुकूल जीवन जीने लेई प्रेरत करा करदा ऐ। उनें भुज च आए दे भूंचाल , केरल च हाड़, उत्तराखंड च पस्सियां ते कोविड महामारी दरान बी निस्वार्थ सेवा करने लेई संस्था दे स्वयंसेविएं दी सराहना कीती। प्रधानमंत्री होरें बोचा सणवासी अक्षर पुरुषोत्तम स्वामी नारायण संस्था गी भारत दा मान बधाने दा जस्स दिंदे होई आखेआ जे दुनिया दे 28 देशें च संस्था दे इक जहार मंदर ते 21 जहार अध्यात्मिक केन्द्र न, जेहड़े दुनिया च भारतीय संस्कृति जेहदी मूल भावना “मनुक्खता दा कल्याण” ऐ, ओहदा प्रचार प्रसार करे करदे न। साल भर चले दे कार्यक्रम स्वर्ण महोत्सव इस बरें 28 जनवरी गी शुरू होआ हा ते कल संजा अमीमदाबाद च इक बड़े बड़डे समारोह दे कन्नै एहदा समापन होआ।

<><><><><><>श

Sonowal Chennai

केन्द्री समुंद्री जल मार्ग मंत्री सर्वानंद सोनोवाल होरें आखेआ ऐ जे भारत 2047 तगर विश्व दे शीर्ष 10 समुंद्रतटीय बंदरगाह गतिविधिएं आले देशें च शामिल होई जाग। उनें आखेआ जे भारत बंदरगाहें च माल ढोने आस्तै कार्गो प्रबंधन छमता तेजी कन्नै बधा'रदा ऐ। केन्द्री मंत्री होरें आखेआ जे जहाज निर्माण ते मरम्मत लेई देसै च परिस्थिति गी होर बेहतर बनाया जा'रदा ऐ। सोनोवाल होरें कल चेन्नई च कामराजार पोर्ट ट्रस्ट दे रजत जयंति समारोह गी संबोधत करा'रदे हे। उनें इस कामराजार बंदरगाह उप्पर 545 करोड़ रपे दी लागत कन्नै बनने आले कैपिटल ड्रेजिंग एकीकृत कमान ते नियंत्रण केन्द्र दी आधारशिला बी रक्खी।

<><><><><><>श

Rajnath-Russia

रक्षामंत्री राजनाथ सिंह होर अज्ज रूस दी त्रै दिन दी यात्रा लेई रवाना होंगन। इस दरान ओह मास्को च रूस दे रक्षामंत्री आंद्रे बेलोसोव हुंदे कन्नै सेना ते सैन्य तकनीकी सैहयोग पर भारत रूस अंतर सरकारी आयोग दी 21मीं बैठक दी सह-अध्यक्षता करगंन। दौने नेता सेना ते औद्योगिक सैहयोग सनें दौनें मुखें दे रक्षा सरबंधें दी समीक्षा बी करगंन। रक्षा मंत्री राजनाथ सिंह होर 9 दिसम्बर गी कालिनिकसाद च यान्त्रा शिपयार्ड भारतीय नौसेना दे नमें मिसाइल फ्रिगेट विध्वंसक आईएनएस तुषील गी पानी च तोआरगंन। इस मौके पर नौसेना प्रमुख एडमिरल दिनेश के.त्रिपाठी होर बी उंदे कन्नै मजूद होंगन। राजनाथ सिंह होर दुए

विश्व युद्ध च शहीद गी श्रद्धांजलि बी अर्पित करगंन ते अपनी इस यात्रा दरान ओह भारत मूल दे लोकें कन्नै बी मलाटी करगंन।

<><><><><><>

Jaishamkar

विदेश मंत्री डॉ. एस.जयशंकर मनामा संवाद च हिस्सा लैने लेई कल रातीं बहरीन दी राजधानी मनामा पुज्जे। एहदे शा पैहले विदेश मंत्री दोहा च इक महत्वपूर्ण राजनयिक वार्ता च शामिल होए हे। एह भागीदारी क्षेत्रीसय ते वैश्विक चुनौतिएं दे समाधान लेई भारत दे प्रयासें गी दस्सदी ऐ। बहरीन दे विदेश मंत्री डॉ. अब्दुल लतीफ बिन रशिद अल जायानी नै डॉ. जयशंकर हुंदा सुआगत कीता। मनामा च विदेशमंत्री होर अंतर्राष्ट्री रणनीतिक अध्ययन संस्थान आस्सेआ आयोजित मनामा संवाद दी 21मीं कड़ी च हिस्सा लैंगन। इस ब'रे संवाद दी थीम ऐ "क्षेत्रीय समृद्धि ते सुरक्षा च मध्यपूर्व नेतृत्व दी भूमका"।

<><><><><><>श

Prasar Bharti

प्रसार भारती दे अध्यक्ष नवनीत सहगल होरें आखेआ ऐ दूरदर्शन दा वैब-ओटीटी प्लेटफार्म परिवार दे हर जीह लेई नरोआ मनोरंजन उपलब्ध कराग ते दर्शकें तगर हर लोक प्रसारक दी पुज्ज बधाने च बी मता कारी दा साबत होग। अहमदाबाद दूरदर्शन केन्द्र दे दोरे दरान सहगल होरें आखेआ जे वैब-ओटीटी प्लेटफार्म राएं लोकें गी दूरदर्शन दे पराने लोक प्रिय कार्यक्रमें दा नंद ठोआने दा बी मौका थहोग।

<><><><><><>श

Jaishankar Germany

विदेश मंत्री डॉ. एस.जयशंकर होरें आखेआ ऐ जे अमरीकी डॉलर गी टक्कर देने दे मकसद कन्नै नमीं ब्रिस्क करंसी शुरू करने दी कोई पेशकश नेई ऐ। कतर च दोहा फोरम गी संबोधत करदे होई उनें आखेआ ते अमरीकी डॉलर गी कमजोर करने दा ब्रिक्स मुख्खें दा कोई इरादा नेई ऐ। डॉ. जयशंकर होरें इब्बी आखेआ जे इस मुद्दे पर ब्रिक्स मुख्खें दी बी इक राय नेई ऐ। इक हफता पैहले गै अमरीका दे नमें चुनोए दे राष्ट्रपति डोनाल्ड ट्रंप होरें

सांझी कांसी योजना शुरू करने पर ब्रिक्स मुख्खें गी 100 प्रतिशत सीमा शुल्क लाने दी चेतावनी दित्ती ही। डॉत्र जयशंकर होर कतर दे प्रधानमंत्री ते विदेश मंत्री मोहम्मद बिन अब्दुल रहमान हुंदे साददे पर दोहा फोरम दी बैठक च शामिल होने लेई दोहा गेदे हे, जित्थें ओह! कतर दे प्रधानमंत्री ते नार्वे दे विदेश मंत्री हुंदे कन्ने बैठक गी संबोधत करा करदे हे।

<><><><><><>श

Syria

सीरिया दे लम्मी अवधि आलें टकराव च नाटकीय बधर्दे होई विद्रोही बलें दमासकस गी घेरने लेई अभियान शुरू कीता ऐ। जेह्दे कन्ने 2018 दे बाद राजधानी लेई पैह्ला मता खतरा ऐ। हयात तहरीर अल शाम हुंदी अगुवाई च विद्रोही गठबंधन दे प्रवक्ता हसन अब्दुलघानी होरें टैलीग्राम राएं घोषणा कीती ऐ जे दमासकस गी घेरने लेई उंदे ओपरेशन दा खीरी गेड़ जारी ऐ।

<><><><><><>श

Ashta Laxmi Mahotsav

नमीं दिल्ली दे भारत मंडपम च अष्ट लक्ष्मी महोत्सव मनाया जा'रदा ऐ जेह्दा मकसद पूर्वोत्तर भारत दे सब्बने 8एं राज्यें दी संस्कृतिक, बन सबन्नता ते विरसें गी संरक्षत करना ऐ। त्रऊं दिनें दे इस कार्यक्रम दा अज्ज खीरी ध्याड़ा ऐ। अज्ज समापन समारोह च असम, अरुणाचल प्रदेश, मेघालय, मणिपुर, नागालैंड, मिजोरम, त्रिपुरा ते सिक्किम दी संस्कृति दिएं विषेशताएं गी प्रमुखता कन्ने प्रदर्शन कीता जाग। महोत्सव च ढाई सौ कोला मते कारीगिर, दस्तकारी, हत्थखड्डी ते राई-बाई कन्ने जुड़े दे उत्पादें दी नमेश करा करदे न, जिंदे च 34 जी.आई टैग हासल उत्पाद शामिल न। इस आयोजन दा मकसद केइएं क्षेत्र थमां अनदिक्खी दे शकार पूर्वोत्तर क्षेत्र दी कला संस्कृति ते विरासत गी राष्ट्रीय ते अंतर्राष्ट्रीय सतह पर प्रमुखता कन्ने पंछान देना ऐ।

<><><><><><>

JuniorAsia Cup

ओमान दे मस्कट च चला'रदे जूनियर एशिया कप महिला हॉकी प्रतियोगिता च अज्ज भारत दा मकाबला बंगलादेश कन्ने होग। भारती टीम दी कप्तानी ज्योति सिंह होर करा'रदियां न ते साक्षी राणा होर टीम दियां उपकप्तान होंगन। कल गुप-ए दे मकाबले च चीन नै बंगलादेश गी 19-0 कन्ने हराई दित्ता ते दूई बक्खी मलेशिया नै थाईलैंड गी 3-0 कन्ने हराया। गुप-बी च जापान नै श्रीलंका गी 15-0 कन्ने मात दित्ती। मजूदा चैंपियन भारत गुप-ए च चीन, मलेशिया ते थाईलैंड कन्ने बी खेडोग। गुप-बी च दक्खन कोरिया, जापान, चीनी वाइपे हांगकांग ते श्रीलंका दी टीमसं खेडडज्ज करदियां न। जूनियर एशिया कप अगले ब'रे चिली च होने आले एफआईएच जूनियर विश्व कपद ी क्वसलीफाइंग प्रतियोगिता ऐ। पैहली5एं टीमां विश्व कप च अपना थाहर पक्का करगंन।

<><><><><><><>